

苏轼补注

第十二函
第十册

東坡先生編年詩卷二十八

後學查慎行補註

姪男開校刊

古今體詩四十二首

元祐二年丁卯春夏
官翰林學士時作

和周正孺墜馬傷手

平生學道已神完
豈復兒童私自憐
醉墮何曾傷內守
色憂當爲念先傳
書空漸覺新詩健
把蟹行看樂事全
賣却老驄爲酒直
大呼鄉友作新年

周正孺

施氏原注正孺名尹成都人神宗擢爲侍御史使蜀極論李杞劉
佐權茶害民事見周朝議守漢州送正孺守東川詩注正孺此時

爲考功郎此段新
刻本刪去今補錄

戲周正孺二絕

折臂三公未可知會當千鎰訪權奇勸君鬻駱猶閑事
腸斷閨中楊柳枝

天廐新頒玉鼻驊故人共敝亦常情相如雖老猶能賦

換馬還應繼二生

故人共敝

陳奕禧曰東坡爲翰林時被賜馬凡二其一以贈李方叔恐他日欲售此馬故作公據與之公據真蹟石刻今在眉州所謂故

人共敝者蓋指方叔也。慎按石刻云元祐元年子初入玉堂蒙恩賜玉鼻驊今年出守杭州復沾此賜東南劍乘肩輿得一馬足矣而李方叔未有馬故以贈之又恐方叔別獲嘉馬不免賣此故爲出公據四年四月十五日云云與正孺唱和在元祐二年贈方叔馬在元祐四年自是兩事無容牽合也

慎按以上三首施氏原本編和黃魯直赤目

詩後据墮馬結句觀之當是新年所作故改

編

題文與可墨竹

并引

故人文與可爲道師王執中作墨竹且謂執中勿使
他人書字待蘇子瞻來令作詩其側與可旣沒八年
而軾始還朝見之乃賦一首

斯人定何人游戲得自在詩鳴草聖餘兼入竹三昧時
時出木石荒恠軼象外舉世知珍之賞會獨予最知音
古難合奄忽不少待誰云生死隔相見如龔隗

潘推官母李氏輓詞

南浦淒涼老逐臣東坡還往盡幽人杯杓

一作盤

慣作陶家

客絃誦嘗叨孟母鄰尚有升堂他日約豈知負土一阡

新今年我欲江湖去暮雨連山宰樹春

潘推官

名失攷

玉堂栽花

一本有同字

周正孺有詩次韻

故山桃李半荒榛粗報君恩便乞身竹簟暑風招我老
玉堂花蕊爲誰春纖纖翠蔓詩催發皎皎霜葩髮鬪新
只有來禽青李帖他年留與學書人

玉堂栽花

周麟之學士院記畧云國朝太宗皇帝嘗以飛白書玉堂之署四字賜翰林學士承旨蘇易簡字徑二尺餘謹按玉堂本漢別

殿在未央宮與清涼宜溫金華白虎列峙史不詳著而畧見于李彝翼奉傳玉堂蓋殿名也待詔者有直廬在焉故尋自謂久汚玉堂之直太宗所賜實取諸此又按施氏原注載與王晉卿一帖云花栽乞雨茶蘼兩林擒兩杏仍乞令栽花人來種之玉堂前後亦異時一段佳事此詩之作正謂是也宿刻此帖于餘姚縣齋汪端明刻此詩成都府治此段新刻本刪去今爲補錄

竹簟暑風

歐陽修內制集百序招竹簟之暑風暴茅簷之冬日

杜介送魚

新年已賜黃封酒舊友

一本作老訛

仍分頰尾魚陋巷關門負

朝日小園除雪得春蔬病妻起斫銀絲鱠稚子謹筭尺
素書醉眼朦朧覓歸路松江烟雨晚疎疎

杜介

字幾先注詳前

黃封酒

任淵注陳後山集云黃封謂宮酒以黃羅帕封之

附子由次韻

天街雪霽初通駟禁籞冰開漸躍魚十尾煩君穿
細柳一杯勸我茅青蔬寒尊獨酌難逢客佳句相
酬不用書江海歸來叨禁近空令同巷往來疎

送杜介歸揚州

再入都門萬

一作何訛

事空閒看清洛漾東

一作春

風當年帷幄幾

人在回首觚稜一夢中采藥會須逢薊子問禪何處識

龐翁歸來鄰里應迎笑新長淮南舊桂叢

附子由次韻

揚州繁麗非前世城郭蕭條却古風尚有花畦春

雨後不妨水調月明中東都甲第非嫌汝北牖羲

皇自屬翁清洛放船經月事急先鷓鴣繞芳叢

和黃魯直燒香二首

四句燒香偈子隨香徧滿東南不是聞思所及且令鼻

觀先參

聞思

洪氏香譜有聞思香又佛書稱觀世音爲聞思大士

萬卷明窗小字眼花只有爛斑一炷烟消火冷半生年

一作身老心閒

烟消火冷

楞嚴經香嚴童子白佛言見諸比丘燒沉水香香氣寂然來入鼻中非本非空非烟非火去無所著來無所從由是意銷得香

嚴號

附魯直原作

山谷集題云有惠江南帳中香者戲贈二首

百煉香螺沉水寶熏近出江南一穠黃雲繞几深

禪相對同參

螺甲割崑崙耳香材屑鷓鴣斑欲雨鳴鳩日永下

帷睡鴨春閒

再和二首

公自注來詩言飲酒畫竹石草書

置酒未逢休沐便同越北燕南且復歌呼相和隔牆知是曹參

丹青已是

宋刻本作自

前世竹石時窺一斑五字當還

一本作還當

靖

節數行誰似高閑

附魯直復答二首

置酒未容虛左論詩時要指南迎笑天香滿袖喜公新趁朝參

迎燕溫風旒旒潤花小雨斑斑一炷烟中得意九衢塵裏偷閒

送楊孟容

我家峩眉陰與子同一邦相望六十里共飲玻璃江江
山不違人徧滿千家窗但苦窗中人寸心不自降子歸
治小國洪鐘噓微撞我留侍玉座弱步歆豐扛後生多
高才名與黃童雙不肯入州府故人餘老龐殷勤與問
訊愛惜雙朱刻本作霜眉厖何以待我歸寒醅發春缸

玻璃江

范成大吳船錄眉州城外卽玻璃江也冬時水色如此

慎按施氏原注云墨跡刻石成都府治題云送楊禮先知廣平軍墨蹟子歸治小國作君歸治小國後生多高才作後生多才賢故人餘老龐作至今餘老龐殷勤與問訊作君歸與問訊其不同如此然墨蹟字有重複集本乃後來改定故彼此不盡合云此段新刻刪去今補錄

附黃魯直次韻

山谷集題云子瞻詩句妙一世乃收斂光芒入此窘步以見效蓋退之戲效孟郊樊宗師之比以文

滑稽耳恐後生不
解故追韻道之

我詩如曹鄴淺陋不成邦公如大國楚吞五湖三
江赤壁風月笛玉堂雲露窗句法提一律堅城受
我降枯松倒澗壑波濤所舂撞萬牛挽不前公乃
獨力扛諸人方嗤點渠非趙張雙但懷相識察牀
下拜老龐小兒未可知客或許敦龐誠堪壻阿巽
買紅纏酒缸

慎按東坡前詩自謂效
魯直體故山谷題云然

附子由詩

樂城集題云送楊
孟容朝奉西歸

三十始去家四十方南遷五十復還朝白髮正紛

然故人從西來鞍馬何聯翩握手得一笑喜我猶
生全別離多憂患夢覺非因緣惟餘歸耕計粗有
山下田久廢太倉粟空愧鄉黨賢老兄富治行令
德齊高年幸此民事清未厭軍壘偏父老携壺漿
稚子迎道邊應有故相識問我何當旋君恩憫衰
病歸駕行將鞭

見子由與孔常父唱和詩輒次其韻余昔在館中
同舍出入輒相聚飲酒賦詩近歲不復講故終篇
及之庶幾諸公稍復其舊亦太平盛事也

君先魯東家門戶照千古文章固應爾須鬣餘似處雖

非蒙供狀尚肖

一作有

歷國苦誦書口瀾翻布穀雜杜宇十

年困奔走櫛沐飽風雨吾道其非邪野處豈兇虎灞陵

閑老將柏直口尙乳自君兄弟還鼎立知有補蓬山耆

舊散故事誰刪去來迎馮翊傳出餞會稽組吾猶及前

輩詩酒盛冊府願君倡此風

別本作物訛

揚禪斯杜舉

孔常父

東都事畧孔文仲之弟武仲字常父幼力學舉進士爲禮部第一元祐初爲秘書省正字遷著作郎論科舉之弊詆三經新義頃之除起

居舍人

拜中書舍人直學士院施氏原注常父元祐初入館歷校書著作遷司

業進左史西掖直玉堂擢夕扉貳春官以待制守洪徙宣坐黨籍落職居池元

符未追復之常父與兄經父弟毅父皆以文聲起江右

鼎立元祐時號三孔此段新刻本悉刪去今補錄

在館中

年譜英宗治平乙巳先生召試

秘閣入三等直

史館見第五卷

附孔常父原作二首

西垣有古人礫礫氣貌古落筆成文章無可加損
處策蹇得過門殷勤相勞苦湛然神觀全秀粹充
眉宇語我春已闌斯民望時雨宿麥正滿野驕陽
惡如虎雲師未灑澤赤子將誰乳侍臣當憂國密
計應裨補又云著書勞安得一州去知公掾捨異
不爲誇腰組衣錦若還鄉亦當從幕府

按清江集此首
結處少二句

堂堂司寇公族姓原自古支流入漢庭浩渺無尋
處子瞻得家法自少不勤苦戲劇入場屋名聲振
寰宇凝思膚寸雲落筆萬點雨中間觸機阱窘若
帶箭虎坎圻連交游饑凍及穉乳歸來直玉堂得

失亦相補顧我縻一官未卽江海去裳衣裏窮猿
繫以三丈組知公心胸中坦不置城府漫刺猶可
持還當謁文舉

附子由次韻

美君耽讀書日夜論今古雖復在家人不見釋手
處意求五車盡未惜雙目苦蓬萊倚霄漢簡策充
棟宇學成擅困倉筆落走風雨破籠閉野鶴短草
藏文虎鬚鬚忽半白兒女無復乳知君不能薦愧
我終何補偶來相就談墜落久未去歸鞍得新詩
佳句爛如組古風棄雕琢遺味比樂府且復調墳

簾冷然五音舉

慎按山谷集亦有和章以非次韻故不採錄

趙令晏崔白大圖幅徑三丈

扶桑大蠶如蠶益天女織綃雲漢上往來不遣鳳銜梭
誰能鼓臂投三丈人間刀尺不敢裁丹青付與濠梁崔
風蒲半折寒雁起竹間的樂橫一本作寒訛江梅畫堂粉壁翻
雲幕十里江天無處著好卧元龍百尺樓笑看江水拍
天流

崔白大圖

藝苑雌黃東坡觀崔白驟雨圖題詩扶桑大蠶云云茗溪漁隱叢話畫品中止有李營邱驟雨圖無崔白者詩中云云乃是崔

白冬景圖藝苑雌黃以爲驟雨圖訛矣

次韻張昌言給事省宿

馮顛久已歆殘雪戎眼何曾眩落暉朔野

一作塞

按行猶爵

一作雀

躍東臺瞑坐覺鳥飛

公自注道家有鳥飛入兔宮之說

漫誇年少容吾在

公自注樂

天詩云猶有誇張年少處笑呼張丈喚殷兄

若鬪尊前舉世稀待向嵩陽求水竹一

犁烟雨伴公歸

給事

宋史職官志給事中四人分治六房事掌讀中外出納及後省事孫彥同職官分紀給事中屬門下省官正四品

朔野按行

施氏原注元祐初昌言使河北相度水事過永靜軍奏乞減價糶本軍寄糶斛斗四十餘萬石救郡民饑朝廷從之還為給事中故有朔野按行猶雀躍之句

東臺

唐畫龍朔二年改門下省為東臺改給事中為東臺舍人

嵩陽求水竹

施氏原注昌言本襄陽人种世衡遺以汝州田

十頃辭勿受當是徙居于汝先生亦常欲居汝故云待向嵩陽求水竹云云雖南遷此志不遂諸子以治命卒塋汝之郟城以上二段新刻本並注題下今分

錄以備考